

## Mensahe 2

### Usa ka Sinumpayng Kinabuhi

Basahong Kasulatan: Juan 15:1, 4-5; Rom. 11:17-24; 1 Cor. 6:17

- I. Isip mga magtutuo ni Cristo, magkinabuhi gyod ta sa sinumpayng kinabuhi—sa kinabuhi nga usa ta ka espiritu sa Ginoo ug nabuhi nga organicong nausa Niya—1 Cor. 6:17; Juan 15:4.**
- II. Gipadayag sa Biblia nga ang relasyong gitinguha sa Dios uban sa tawo mao nga mausa Siya ug ang tawo—1 Cor. 6:17:**
  - A. Tinguha sa Dios nga mausa ang diosnong kinabuhi ug ang tawhanong kinabuhi aron ma-usa ka kinabuhi—Juan 15:1, 4-5.
  - B. Usa ka organicong pagkausa kining pagkausaha, usa ka pagkausa sa kinabuhi—usa ka sinumpayng kinabuhi.
  - C. Mysteryoso, dili gyod masabot sa natural nga hunahuna, ug lahi sa hunahuna sa tawo ang hunahuna sa diosnong kinabuhi ug tawhanong kinabuhi nga gisumpay pag-usa.
- III. Sa pagsumpay, gidugtong ang duha ka susamang kinabuhi ug unya nagtubo pag-usa—Rom. 11:17-24:**
  - A. Epektibo lang ang pagsumpay kon susama ang kinabuhing isumpay.
  - B. Kay gihimo man ang atong tawhanong kinabuhi sa dagway sa Dios ug segun sa pagkasama Niya, madugtong kini sa diosnong kinabuhi.
  - C. May-ong sa diosnong kinabuhi ang atong tawhanong kinabuhi; busa, masumpay pag-usa ang diosnong kinabuhi ug ang tawhanong kinabuhi ug organico dayong motubo pag-usa.
- IV. Aron masumpay ta ni Cristo, mag-agi gyod Siya sa mga kahikayan sa pagpakatawo, pagkalansang sa krus, ug pagkabanhaw:**
  - A. Nahimong unod si Cristo aron makaliwat ni David, sanga ni David, kun Saha, aron masumpay ta pag-usa Kaniya; nasama Siya nato aron Siya ug kita masumpay pag-usa—Juan 1:14; Mat. 1:1; Zac. 3:8; Jer. 23:5; 33:15.
  - B. “Giputol” si Cristo didto sa krus aron masumpay ta Kaniya:
    1. Ang pagkahimo ni Cristo nga sanga ni David wala magpasabot mismo nga masumpay Siya pag-usa kanato.
    2. Nagkinahanglag pagputol ang pagsumpay; dili masumpay pag-usa ang duha ka sanga kon dili putlon ang duha:
      - a. Giputol si Cristo sa dihang namatay Siya didto sa krus.
      - b. Giputol ta sa dihang naghinulsol ug nidawat ta sa Ginoo.
    3. Human sa pagputol, nahitabo ang pagdugtong ug ang organicong pagkausa; busa, sa pagsumpay duna tay pagputol, pagdugtong, ug organicong pagkausa.
  - C. Sa giputol na si Cristo didto sa krus, gibanhaw Siya aron mahimong Espiritung taghatag-og-kinabuhi—1 Cor. 15:45b; 2 Cor. 3:17a:
    1. Sa pagkahimong ingon niana nga Espiritu, andam nang isumpay si Cristo.
    2. Sa naghinulsol ug nidawat ta sa Ginoo, nisulod Siya nga Espiritung taghatag-og-kinabuhi sa atong espiritu, gipadangat ang diosnong kinabuhi kanato, ug gisumpay ta pag-usa kang Cristo—Juan 20:22; Rom. 8:11:
      - a. Kining kinabuhia kinabuhi sa kamatayon ug pagkabanhaw.
      - b. Isip Espiritung taghatag-og-kinabuhi, gihatag ni Cristo ang yawe sa kama-

tayon ug pagkabanhaw kanato, nga mga magtutuo, aron mamatay ug mabanhaw ta uban Niya—Gal. 2:20.

c. Ning kamatayona ug pagkabanhawa gisumpay ta pag-usa kang Cristo.

**V. Isip mga gipanganak na pag-usab magkinabuhi gyod ta sa sinumpayng kinabuhi—sa kinabuhi nga nausa ang duha ka kinabuhi aron organicong motubo—Juan 15:1, 4-5:**

- A. Sa gikasumpay na ta ni Cristo, dili na gyod ta magkinabuhi pa sa atong kaugalingon; pabuhion hinuon nato ang pneumaticong Cristo sa sulod nato—Gal. 2:20.
- B. Dili na gyod ta mabuhi pa pinaagi sa atong unod o sa natural ba natong pagkawatawo; mabuhi hinuon ta pinaagi sa atong espiritu nga gipanganak na pag-usab, sa espiritung gikasumpay na ni Cristo—Rom. 8:4.
- C. Pinaagi ning pagsumpaya, nausa, nasagol, ug natagik ta ni Cristo aron mahimong Lawas Niya—12:4-5.

**VI. Dili binayloang kinabuhi ang sinumpayng kinabuhi kondili panagsagol sa tawhanong kinabuhi ug sa diosnong kinabuhi—Gal. 2:20:**

- A. Ang hunahuna sa binayloang kinabuhi mao nga gitugyan nato ang atong tawhanong kinabuhi sa Ginoo, ug gipulihan Niya kini sa Iyang diosnong kinabuhi.
- B. Ang Cristohanong kinabuhi dili binayloang kinabuhi kondili sinumpayng kinabuhi—ang panagsagol sa tawhanong kinabuhi sa diosnong kinabuhi—Rom. 6:3-5; Juan 15:1, 4-5:
  - 1. Walay pagbayloay, o pagpatigayon ba sa kinabuhi.
  - 2. Imbis magbayloay duna hinuoy pagpaambit, pagpatuhop, sa diosnong kinabuhi nganha sa tawhanong kinabuhi ug panagsagol sa diosnong kinabuhi ug tawhanong kinabuhi.
- C. Ang labing matahom nga realidad sa Cristohanong kasinatian mao nga nausa ang mga magtutuo ni Cristo Kaniya sa paagi sa kinabuhi—1 Cor. 6:17:
  - 1. Alang ra gyod sa usa ka butang ang tanang pagkamao ni Cristo ug tanang nabuhat Niya: nga Siya ug kita organico gyong mausa ug magkinabuhi sa sinumpayng kinabuhi—Juan 15:4-5.
  - 2. Sa pahiuili sa Ginoo gipahiuli Niya kining gipasagdan nga butang kalabot sa sinumpayng kinabuhi.

**VII. Sa sinumpayng kinabuhi wala wad-a ang tawhanong kinabuhi kondili gipalig-on, gipausbaw, ug gipadato hinuon sa diosnong kinabuhi—Rom. 11:17-24:**

- A. Sa sinumpayng kinabuhi naa ra gihapon ang mahinungdanong mga kinaiya sa sanga, apan gipausbaw ug gitransporma na ang kinabuhi niini sa pagkasumpay niini sa mas maayong kinabuhi:
  - 1. Gibuntog sa mas habog nga kinabuhi ang mas ubos nga kinabuhi.
  - 2. Gipadato, gipausbaw, ug gitransporma sa mas habog nga kinabuhi ang mas ubos nga kinabuhi.
- B. Sa sinumpayng kinabuhi nagbuhat ang diosnong kinabuhi sa sulod nato sa paghaw-as sa negatibong mga elemento—2 Cor. 3:18:
  - 1. Inanayng nagbuhat ang diosnong kinabuhi aron magwala sa bisan unsang natural.
  - 2. Gipatay ang negatibong elemento sa atong disposisyon, ug unya, imbis isalikway ang atong disposisyon, gipausbaw ug gigamit hinuon kini sa Ginoo.
- C. Sa sinumpayng kinabuhi gibanhaw sa diosnong kinabuhi ang orihinal nga kabuhatan sa Dios—Juan 11:25:

1. Imbis isalikway sa Dios ang Iyang kabuhatan, angkonon hinuon Niya kini pag-usab.
  2. Tinguha sa Dios nga dad-on ang tanang aspeto sa atong pagkatawo ngadto sa pagkabanhaw—Fil. 3:11:
    - a. Sa gipagawas sa diosnong kinabuhi ang negatibong mga butang, nagbuhat kini sa pagbanhaw sa orihinal nga kabuhatan sa Dios.
    - b. Sa ingon niini gipahiuli, gipalig-on, ug gipadato—ang orihinal nga mga kagamitan nato—ang mga kagamitang gihatag kanato sa paglalang—Gal. 2:20.
- D. Sa sinumpayng kinabuhi gisangkap sa diosnong kinabuhi ang kadato ni Cristo sa sulodnong mga bahin nato—Rom. 12:2:
1. Gisangkapan sa kadato ni Cristo ang gibanhaw ug gipausbaw nga mga galamhan nato.
  2. Pinaagi nianang pagsangkapa nabag-o ta sa atong hunahuna, pagbati, ug pagbuot.
- E. Sa sinumpayng kinabuhi gisuropan sa diosnong kinabuhi ang tibuok natong pagkatawo—8:29-30:
1. Gisuropan ug gitransporma ta sa kadato ni Cristo—12:2; 2 Cor. 3:18.
  2. Pinaagi ning pagsuop sa diosnong kinabuhi masama ta sa dagway ni Cristo—Rom. 8:29.